

565

QVÆSTIO MEDICA

QVODLIBETARIIS DISPVATIONIBVS MANE AGITANDA IN SCHOLIS MEDICORVM, DIE IOVIS XVI. MENSIS NOVEMBRIS MAGISTRO BARTHOLOMÆO BARALIS DOCTORE MEDICO MODERATORE.

An fluenti aluo vacuatio?

INTESTINVM conficiendo & absolueno chylo, facibusque detubandis à natura comparatum multis & diris symptomatis exercetur. Dolor colico narcoticis nunquam sedando, & eo qui colicum ex mesenterij sensu exquisito similitudine quâdam ementitur, deiectione tardâ & pigrâ, ileo, cœliacâ, lienteria, dysenteria, diarrhœa, tenesmo, cruento & purulento profluio. Sed alui profluentis varietas & ab excremento, crudo aqueo humente subalbido, nigro & tuberculo, purulento: & ab humore puriore atque naturali: & cibo inalterato præ ventriculi debilitate, calidis siccis adstringentibus non semper opugnanda, chylosæ minimè distributo: & ventris rugitu, murmure, manifesto torminum, doloris sensu, aut eorum carentiâ definitur. In ventrem feruile membrum totius corporis impuritas expurganda etiam periodicè confluit. Vix tamen crediderim è purulentis pulmonibus per alterutrum cordis ventriculum in intestina sincerum pus derivari.

DIARRHOEA sine vehementi doloris sensu sinceriores humores exernuntur. Pituita crassâ & mucosa ex intestinis crassioribus defluit: tenuis & spumosa è capite in ventriculum, inque intestina prolabitur, (vix non sit mirum balbis præ humidioris cerebri temperie familiarem esse diarrhœam:) dulcis & diluta ab uniuerfo corporis habitu, quæ proinde leucophlegmatiam *adiposæ* faciliè dissoluit. Bilis à iecore & cysti fellis. Melancholicus succus à liene & mesenterio. Sed & *quædam* *partes* *adiposæ* *feces* habet quasi adipe vel oleo perfusas, pinguedine. f. carneæ, aut etiam solidarum partium substantia morbo aliquo liquecente.

SED PROFLVENTE aluo nulla utilis euacuatio, non phlebotomia, non catharsis, ne si duplex humoris detractio vno eodemque tempore fiat, vires insigniter offendantur. Cumque magna præsidia virium robur expostulent, non phlebotomia (catharsis cætero qui leuior atque securior) maius requirit: quia non tantum noxium, sed etiam vilem humorem, vitæ fundamentum, naturæ thesaurum, spiritumque omnium materiam educit. Itaque assiduâ egestionem, perperuis vigilijs, febre plerumque & inflammatione laborantibus maximè vitibus omittendum vacuandi sanguinis consilium est. Nam si cuiuspiam sanguinem auferre confert, ventrem confirmare & adstringere prius necesse est, deinde auferre, & inediam præscribere & vinum tollere: demum congruenti victu & fortibus humidis reliquam curationem absolueret.

AEQUE noxia quæ post celebratam venæ sectionem, si forè vtriusque præsidij par incidit necessitas, vsurpari debet purgatio. Quippe in alui fluxu cathartica medicamenta prohibentur, quòd quæ pollut partium tenuitate & acrimonîâ & caliditate & intestina rodere, & febrile incendium adaugere & nouam ad affectum locum materiam trahere valeant. Vt contra vomitus, qui vel naturæ sponte, vel medici artificio excitatur, profluentem aluum mirificè desiccet & adstringit. Quid quòd ipse alui fluor, tametsi naturæ magisterio, nec vi morbi oboritur, mitisque sit, doloris expert ac torminum, corpus semper imbecillius efficit, vitali (quæ remedium sola indicat) facultate adducta in discrimen. vnde et vt in alui profluuijs præ vehementi virium imbecillitate pulsus vermium gressui similes, parui, languidi, tardi, frequentes conspiciantur.

QUID si natura segniùs humorem infestum eliminat, nonne purgante pharmaco, pro humoris, quem similitudine substantiæ, (quæ verè occulta est, inexplicabilis & specifica proprietas) cum delectu attrahit, naturâ, quantitate, qualitate, loco atque origine selecto, aut sanguinis missione conatus eius adiuuari debet: minimè verò. Quod ipsum per se semper sufficit alui profluuium, nulla aliâ adiectâ vacuatione, tametsi plethoræ humorum minimè respondere videatur. Quicumque enim ab ijs tanquam maiore egentibus inanitione vel sanguinem ducere, vel ventrem mouere ausi sunt, malis ægrum auxere grauissimis. Vsurpari tamen commode possunt quæ adstringendo purgant citra erosionis aut inflatus noui metum, quæ non morbi principio, sed exhaustâ cacochymia fluxum compescant: myrobalanos. p. absinthium, rha-barbarum, quod torrefactum acris atque nocentius. (Vltione qualitas mordax atque *humidiuscula* medicamento comparatur.) Robur interim mittenti & admittenti parti præsidij peculiari calore quamque partem iuuantibus conciliandum. Sic adstrictione blandâ & virium conseruatione pristinus naturæ status restituetur.

Non ergo fluenti aluo vacuatio.

Proponcbat IACOBVS COVSINOT Parisius Schol. Archi. Anno R.S. MDG XVII



DOMINI DOCTORES DISPVATVRI.

M. Bartholomæus Baralis præses.
M. Guillelmus du Val P. R.
M. Joannes Aklakia.

M. Gaspar Brugnot M. R.
M. Nicolaus Pignati.
M. Philibertus Cybert.

M. Gabriel Biart.
M. Ioannes Desgorris M. R.
M. Renatus Chartier M. & P. R.